

Ilulissat ulloq 28. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

Naalackersuisunut apeqquut:

1. Sermiligaap kangerluani misileraalluni aalisartoqarpa ?
2. Taamaattoqarsimappat angallatit qassit suminngaanniillu misileraappat ?
3. Misileraanermi qassutit atorineqarnissaat akuerineqarsimavaa ?
4. Qassusersorneq akuerineqarsimangippat Naalackersuisut qanoq iliorniarpat ?
5. Sermiligaap kangerluani angallammiit oliaarluartoqarsimaneranik Naalackersuisut ilisimatinneqarsimappaat ?
6. Sermiligaap kangerluani oliaarluartoqarsimaneranut tunngatillugu Naalackersuisut qanoq iliuuseqarniarpat ?

Tungavilersuut:

Tusagassiuutitigut nalunaarutigineqarpoq, Sermiligaap kangerluani misileraalluni aalisartoqartoq. Aalisarnermilu qassutit atorineqarsimasut, naak kangerlunni aalisarnermi qassutit atorineqarnissaat akuerisaanngikkaluartoq.

Tusagassiuutitigut ilaatigut oqaatigineqarpoq, Sermiligaaq kangerluani misileraallutik aalisartut ilaanniit qassutit aalisarfimmut qimaannarneqarsimasut aammalu qassutaarsiutit ningittaqaarsorlutik aalisartunut akornutaalersimasut.

Aamma oqaatigineqarpoq kangerlummi pineqartumik oliaarluarneq annertoq naammattoorneqarsimasoq, ilimagineqarporlu misileraalluni aalisartut umiarsuaanniit tamanna pisimassasoq.

Pissutsit qulaani taaneqartutut issimassappata, soorunami taama pisoqarsimanagera akueriuminaappoq, pingaartumik Sermiligaarmiut nammineerlutik aalisarnerannut akornutaasunik pisoqarsimassappat, minnerunngitsumillu pinngortitamik avatangiisinillu akornusiisoqarsimassappat.

Taamaattumik tusagassiuutitigut nalunaarutigineqartut aamma sumiiffimmi ilanngutassiortup nalunaarutai pillugit Naalakkersuisut qanoq iliuuseqarniarnersut imaluunniit qanoq iliuuseqarsimanersut pillugit apeqqutit qulaani taaneqarput pillugit apeqquteqarpunga.

Apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.